



ALONDRAS C.F.

ESTATUTOS DO CLUB ALONDRAS C.F.

CAPÍTULO I

NORMAS XERAIS:

Artigo 1º.- O Club ALONDRAS C.F. é unha Asociación privada con personalidade xurídica e capacidade de obrar, integrada por persoas físicas, **con personalidade xurídica propia e capacidade de obrar, con domicilio na comunidade Autónoma de Galicia**, que ten como obxecto **primordial o fomento e** a práctica da actividade física e deportiva polos asociados, así como a participación en actividades e competicións oficiais, sen ánimo de lucro.

Artigo 2º.- O Club ALONDRAS C.F. practicará como principal modalidade deportiva a de FÚTBOL, e solicitará a ratificación dos Estatutos e a inscrición no Rexistro de Asociacións Deportivas e Deportistas de Galicia, de conformidade coa Lei do Deporte de Galicia.



ALONDRAS C.F.

O Club ALONDRAS C. F. practicará así mesmo as modalidades deportivas FÚTBOL e para tal fin funcionarán as seccións deportivas correspondentes, sen prexuízo que a Asemblea Xeral poida acordar a creación doutras.

Artigo 3º.- O domicilio social do Club ALONDRAS C. F. fíxase en Cangas, provincia de Pontevedra, no Complexo Deportivo do Morrazo, Av. de Lugo Trav. Campo de Fútbol, s/n - C.P. 36940, teléfono y fax: 986 30 02 20 e email: alondras@alondrascf.com

O Presidente/a, cando as circunstancias o aconsellen, poderá acordar o cambio do domicilio social dentro da mesma localidade. Para o traslado do domicilio a outra localidade, que deberá ser sempre dentro do territorio da Comunidade Autónoma de Galicia, será necesario o acordo maioritario da Asemblea Xeral Extraordinaria.

En ámbolos casos, o traslado de domicilio social non implicará modificación estatutaria, e terá que ser notificado aos socios, e ao Rexistro de Entidades deportivas e Deportistas de Galicia.

CAPITULO II

CLASES DE SOCIOS, ADMISIÓN, DEREITOS E OBRIGAS

Artigo 4º.- O número de socios/as será ilimitado. A [Asemblea Xeral](#) poderá suspender, non obstante, a admisión de novos socios cando así o esixan razóns de aforo ou capacidade física das instalacións.

Os socios poderán ser das seguintes clases: de NÚMERO e HONORARIOS.

Artigo 5º.- Son socios de NÚMERO tódalas persoas físicas [maiores de idade](#) ou entidades xurídicas que satisfagan a cota social establecida pola Asemblea Xeral.

[Os menores de 18 anos, clasificaranse como socios aspirantes, tendo dereito ó uso das instalacións sociais mediante a cota que se fixe e pasarán a ser socios de número ao cumpriren a maioría de idade.](#)

Serán socios HONORARIOS aquelas persoas ás que a Asemblea Xeral confira esta distinción e terán un posto de preferencia nos actos oficiais da sociedade.

Artigo 6º.-

1. Os socios de número terán os seguintes dereitos:

- a) Contribuír ao cumprimento dos fins específicos da asociación.



ALONDRAS C.F.

- b) Esixir que a Asociación se axuste ao disposto na normativa autonómica deportiva e ao establecido no presente Estatuto.
- c) Separarse libremente da Asociación.
- d) Coñecer as actividades da Asociación e examinar a súa documentación, previa petición razoada ao Presidente/a.
- e) Expor libremente as súas opinións no seo da Asociación.
- f) Ser elector e elixible para os órganos de representación e goberno da Asociación, sempre que sexa maior de idade e teña plena capacidade de obrar.

2. Son obrigacións dos socios de número.

- a) Aboar as cotas que esixa a Asemblea Xeral.
- b) Contribuír ao sostemento e difusión do deporte ou modalidades Deportivas.
- c) Acatar cantas disposicións dite a Asemblea Xeral, a Xunta Directiva ou Presidente, para o bo goberno da sociedade.

Artigo 7º.- Para ser admitido como socio, en calquera das súas modalidades, será necesario:

- a) Ter a idade sinalada para cada unha delas.
- b) Solicitudude por escrito dirixida ao Presidente.
- c) Satisfacer a cota de ingreso correspondente.

Artigo 8º.- A condición de socio pérdese:

- a) Por vontade propia.
- b) Por falta de pago das cotas sociais durante tres meses consecutivos, previo requirimento de pago, e consecuente Resolución do Presidente.
- c) Por acordo do Presidente no seu caso, fundado en faltas de carácter grave, previa audiencia do interesado/a, que haberá de ser ratificado na primeira Asemblea Xeral que se celebre.
- d) Por calquera outra causa establecida na lexislación vixente.

CAPITULO III

ÓRGANOS DE REPRESENTACIÓN E GOBERNO

Artigo 9º.- Son órganos de representación e goberno do Club, a Asemblea Xeral e o Presidente.

Artigo 10º.- O Presidente/a é o órgano executivo do Club, posúe a



ALONDRAS C.F.

representación legal, convoca e preside os órganos de representación e goberno, executando os acordos destes.

O cargo de Presidente/a é a título gratuito e carente de interese nos resultados económicos da explotación, por si mesmo ou a través de persoa interposta.

Será elixido por sufraxio libre, directo, o igual e secreto por e entre os membros da Asemblea Xeral, cada 4 anos.

Artigo 11º.- O Presidente cesará por:

- a) Transcorrer o prazo de 4 anos polo que foi elixido.
- b) Dimisión.
- c) Falecemento ou incapacidade física ou psíquica para continuar no exercicio do seu cargo
- d) Aprobación dunha moción de censura pola Asemblea Xeral.
- e) Inhabilitación por sentenza xudicial firme ou sanción deportiva,

Artigo 12º.-

1.- Como órgano complementario dos de goberno e representación poderá haber una Xunta Directiva que actuará como órgano **colexiado** de xestión do Club, e exercerá as funcións que este estatuto lle confire.

2.- Os membros da Xunta Directiva serán designados e revocados libremente polo Presidente/a, debendo dar conta diso na primeira Asemblea Xeral que se celebre. Da mesma, formará parte un secretario e un tesoureiro. Tódolos cargos serán gratuítos e carecen de interese nos resultados económicos do Club, por si mesmos ou persoa interposta.

Artigo 13º.-

1. A Xunta Directiva quedará validamente constituída en primeira convocatoria cando concorran a ela a maioría de seus membros. En segunda convocatoria será suficiente a concorrencia, polo menos, de tres dos seus membros, e en todo caso do Presidente.

2. A Xunta Directiva convocarase polo Presidente con dous días de antelación, como mínimo, á data de celebración.

A Xunta Directiva quedará tamén validamente constituída cando estean presentes tódolos seus membros, aínda que non houbera mediado convocatoria previa.

3. En especial corresponde á Xunta Directiva:



ALONDRAS C.F.

- a) Dirixir á xestión do Club, velando polo cumprimento do seu obxecto social.
- b) Formular o inventario, memoria e orzamento anual, que se someterá á aprobación da Asemblea.
- c) Aplicar tódalas medidas deportivas, económicas e administrativas precisas para o fomento e desenvolvemento do deporte dentro do Club.

Artigo 14º.- O Secretario/a da Xunta Directiva coidará do arquivo da documentación, redactará cantos documentos afecten á marcha administrativa da Asociación e levará o Libro de Rexistro de Socios e o Libro de Actas.

Artigo 15º.-

1. O Tesoureiro/a da Xunta Directiva será o depositario do Club, asinará os recibos, autorizará os pagos e levará os Libros de Contabilidade.
2. Será obriga do Tesoureiro/a formalizar, durante o primeiro mes de cada ano, un balance de situación e as contas de ingresos e gastos, que se porán en coñecemento de tódolos asociados.

Artigo 16º.-

- 1.- A Asemblea Xeral é o órgano supremo do goberno do Club e estará integrada por tódolos seus socios de número.
- 2.- As Asembleas Xerais, tanto Ordinarias como Extraordinarias, quedarán validamente constituídas en primeira convocatoria cando concorran a ela a maioría dos seus asociados. En segunda e última convocatoria media hora máis tarde, quedará constituída calquera que sexa o número de membros presentes. Entre a data de convocatoria e o día sinalado para a súa celebración terán que mediar, como mínimo, dez días naturais e non poderá transcorrer máis de vinte días naturais.

Artigo 17º.- A Asemblea Xeral convocarase polo Presidente a iniciativa propia ou do vinte e cinco por cento, ó menos, dos socios de número.

- 1.- A Asemblea Xeral reunirse con carácter ordinario, previa convocatoria do Presidente, ó menos unha vez ó ano para tratar das seguintes cuestións:
 - a) Memoria, liquidación do orzamento, balance do exercicio, rendición de contas e aprobación, se procede.
 - b) Orzamento para o seguinte exercicio.
 - c) Proxecto e propostas do Presidente ou da Xunta Directiva.
 - d) Proposicións que formulen os socios e que terán de ir asinados ó menos, polo cinco por cento dos mesmos.

- 2.- Terase que celebrar Asemblea Xeral Extraordinaria para a modificación de Estatutos, elección de Presidente/a, toma de cartos a préstamo, emisión



ALONDRAS C.F.

de títulos representativos de débeda ou de parte alícuota patrimonial, enaxenación de bens inmobles e fixación de cotas dos socios, e calquera outro acordo previsto nestes estatutos ou que se estime oportuno polo Presidente ou proceda legalmente.

Artigo 18º.- Os acordos da Asemblea Xeral adoptaranse por maioría simple dos presentes, requiríndose unha maioría cualificada e un quórum determinado de asistencia para aqueles asuntos que establezan os estatutos. Serán vinculantes e de obrigado cumprimento e terán forza executiva a partir da data da súa adopción, sen prexuízo, por razón da materia, da posibilidade da súa impugnación perante os órganos competentes e da Federación Galega Deportiva da modalidade ou perante o Comité Galego de Xustiza Deportiva.

CAPITULO IV

RÉXIME DOCUMENTAL

Artigo 19º.- O réxime documental do Club constará dos seguintes libros: Rexistro de Socios, de Actas e Contables.

Artigo 20º.- No libro de Rexistro de Socios, terán de constar os nomes e apelidos dos socios de número, o seu Documento Nacional de Identidade, no seu caso, os cargos de representación, goberno e administración que exerzan no Club. Tamén hanse especificar as datas de altas e baixas, e as de toma de posesión e cese nos cargos aludidos.

Artigo 21º.- No libro de Actas, consignaranse as reunións que celebre a Asemblea Xeral e a Xunta Directiva, con expresión da data, asistentes, asuntos tratados e acordos adoptados. As actas terán que estar asinadas, en todo caso, polo Presidente e o Secretario.

Artigo 22º.- Nos libros de Contabilidade figurarán tanto o patrimonio como os dereitos e obrigacións, e ingresos e gastos do Club, debéndose precisar a procedencia daqueles e a inversión ou destino destes.

RÉXIME DISCIPLINARIO

Artigo 23º.- Os órganos e socios do Club estarán sometidos ao regulamento disciplinario do Club e ao disposto no Título VII da Lei 3/2012 Xeral do Deporte de Galicia e normativa do seu desenvolvemento.



ALONDRAS C.F.

Artigo 24º.- Así mesmo, o Presidente e os membros da Xunta Directiva responderán fronte aos socios, o Club, ou terceiros, dos prexuízos que ocasionasen por culpa ou negligencia grave, de conformidade coa regulamentación propia do Club e o Ordenamento Xurídico vixente.

CAPITULO V

RÉXIME ECONÓMICO-FINANCIERO E PATRIMONIAL

Artigo 25º.-

1.- O patrimonio do Club ALONDRAS C.F. é o Complexo Deportivo do Morrazo.

2.- No futuro o patrimonio do Club estará integrado por:

- a) As achegas económicas dos socios, que aprobe a Asemblea Xeral.
- b) As doazóns e subvencións que reciba.
- c) Os resultados económicos que poden producir as manifestacións físico-deportivas que organice a entidade.
- d) As rendas, froitos e intereses do seu patrimonio.

Queda expresamente excluído como fin do Club o ánimo de lucro, e a totalidade de seus ingresos e beneficios aplicaranse ao cumprimento dos seus fins sociais.

Artigo 26º.- O Club poderá gravar e allear bens, mobles e inmobles, tomar diñeiro a préstamo e emitir títulos transmisibles representativos de débeda ou parte alícuota patrimoniais, sempre que cumpra os seguintes requisitos:

1. Que se autoricen tais operacións por maioría de dous terzos dos socios presentes ou representados na Asemblea Xeral Extraordinaria.
2. Que ditos actos non comprometan de modo irreversible o patrimonio da Entidade ou a actividade físico-deportiva que constitúa o seu obxecto social. Para a adecuada xustificación deste extremo se poderá esixir, sempre que o soliciten como mínimo o cinco por cento dos socios de número, o oportuno ditame económico-actuarial.
3. Cando se trate de gravar ou allear bens, mobles e inmobles que foran financiados en todo ou parte, con Fondos Públicos da Comunidade Autónoma, será preceptiva a autorización previa do órgano correspondente da Xunta de Galicia.

Artigo 27º.- O Club poderá emitir títulos de débeda ou da parte alícuota patrimonial, que serán nominativos.

Os títulos inscribíranse nun libro que levará ó efecto o Club, no que se anotarán as sucesivas transferencias.



ALONDRAS C.F.

En tódolos títulos constará o valor nominal, a data de emisión, e no seu caso, o interese e prazo de amortización.

Artigo 28º.- Os títulos de débeda só se poderán subscribir polos asociados, e a súa posesión non conferirá dereito algún especial ós socios, agás a percepción dos intereses establecidos conforme á lexislación vixente.

Artigo 29º.- Os títulos de parte alícuota patrimonial serán subscritos polos asociados. En ningún caso estes títulos darán dereito á percepción de dividendos ou beneficios.

Artigo 30º.- Os títulos de débeda e parte alícuota patrimonial serán transferidos unicamente entre os que teñan a condición de socios.

CAPITULO VI

REFORMA DOS ESTATUTOS E DISOLUCIÓN DO CLUB

Artigo 31º.- Os presentes Estatutos só se poderán modificar, reformar ou derrogar por acordo da Asemblea Xeral Extraordinaria convocada a tal efecto, mediante votación favorable dos dous terzos dos socios de número asistentes.

A reforma destes Estatutos seguirá, con respecto ao Rexistro de [Entidades Deportivas de Galicia](#), os mesmos trámites administrativos para a súa [inscrición](#).

Artigo 32º.- O Club ALONDRAS C.F. extinguirase ou disolverase por acordo de:

- a) Dos dous terzos dos socios en Asemblea Xeral Extraordinaria, convocada ó efecto.
- b) Por sentenza xudicial.
- c) Por outras causas legalmente determinadas.

En todo caso haberá de ser notificado ao Rexistro de [Entidades Deportivas](#).

Artigo 33º.- Disolvido o Club ALONDRAS C.F., o remanente do seu patrimonio social, se houbera, aplicarase a fins análogos de carácter deportivo, ben por acordo previo da Asemblea Xeral, ou subsidiariamente, polo órgano competente en materia de deporte da Xunta de Galicia.



CAPITULO VII

PROCEDEMENTO DE ELECCIÓN DE PRESIDENTE DO CLUB

Artigo 34º.- O Presidente será elixido mediante sufraxio universal, libre, igual, directo e secreto por entre os membros da Asemblea Xeral con pleno dereito, segundo o establecido no artigo 6º destes Estatutos.

Artigo 35º.- A elección de Presidente producirase nos casos contemplados nos artigo 11º destes Estatutos.

Artigo 36º.- A Xunta Directiva convocará a Asemblea Xeral Extraordinaria, co fin de aprobar o Regulamento e Calendario Electorais, así como a elección por sorteo entre os socios da Xunta Electoral.

Artigo 37º.- Calendario Electoral.

1. No Calendario Electoral terá que figurar, ao menos, as datas e prazos da convocatoria de eleccións, publicación do censo e prazo de reclamacións, presentación de candidaturas, reclamacións, celebración das eleccións (lugar, día e hora das votacións), impugnación dos resultados, resolución e proclamación de gañador.
2. O Calendario Electoral será público e permanecerá exposto na sede do club, xunto coa relación de socios con dereito a voto, durante a duración do proceso, admitíndose as reclamacións oportunas.

Artigo 38º.- Constitución da Xunta Xestora

1. Os membros da Xunta Directiva que non se presenten ás eleccións continuarán nos seus cargos con funcións de Xunta Xestora, ata que resulte elixido o novo presidente.
2. Se tódolos membros se presentasen á reelección, na Asemblea Xeral que aprobe o calendario electoral procederase a elección dunha Xunta Xestora que supla as funcións da Xunta Directiva durante o proceso electoral. En caso de non se poder elixir, porábase en coñecemento da Federación Galega de Fútbol e da Secretaría Xeral para o Deporte de Galicia para que obrasen en consecuencia.

Artigo 39º.- Cada vez que se produzan unhas eleccións deberase comunicar ao Rexistro de Entidades Deportivas da Xunta de Galicia, mediante certificado do Secretario, co visto bo do Presidente.



ALONDRAS C.F.

Disposición 1ª.- Os presentes Estatutos do Club ALONDRAS C.F. foron aprobados por unanimidade na Asemblea Xeral Extraordinaria celebrada o día vinte e oito de outubro de dous mil dez.

Disposición 2ª.- Os presentes Estatutos serán postos en vigor unha vez sexan conformados pola Secretaría Xeral para o Deporte da Xunta de Galicia, facultándose para realizar tódalas actuacións pertinentes para elo, a Xunta Directiva do Club ALONDRAS C.F.

Disposición 3ª.- Coa entrada en vigor dos presentes Estatutos, quedan derogados os anteriores.

POLO ALONDRAS CLUB DE FÚTBOL

VºBº

O PRESIDENTE

A SECRETARIA